

# 嘉興府志

一圖序  
二記目

嘉興府志

|     |      |
|-----|------|
| 漢書門 | 九〇七九 |
| 類   | 一〇三三 |
| 函   | 一〇三三 |
| 架   | 一〇三三 |
| 册   | 一〇三三 |

|      |      |
|------|------|
| 內閣文庫 | 九〇七九 |
| 漢    | 一〇三三 |
| 類    | 一〇三三 |
| 函    | 一〇三三 |
| 架    | 一〇三三 |
| 册    | 一〇三三 |

地理

|      |          |
|------|----------|
| 內閣文庫 |          |
| 番號   | 漢 9079   |
| 冊數   | 16 ( 1 ) |
| 函號   | 292 67   |

292-67




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak






嘉興府志敘

淺草文庫

嘗攷周官小史掌邦國之志外史  
掌四方之志職方掌天下之圖而  
有土訓掌地圖地憲誦訓掌方  
志方憲法甚備焉小史職方土訓  
之所掌皆侯國外史誦訓之所掌



118-205



則諸侯之下邑也自罷侯置守而  
劉向著郡國之事南陽撰風俗之  
紀郡邑志載蓋殷繁矣要以辨風  
俗紀治物土宜徵往詔來與石渠  
圖籍並稱不朽惟以李名著於春秋  
其先當在芑服之外以故紀載無

聞歷世綿邈作者僅存宋聞人  
氏而馬端臨譏之其後元有徐氏  
明興有林氏趙氏見聞略備數十  
年來人文日盛土田賦役之沿革  
師旅旱潦之非常賢良文學之  
昌熾孝子仁人閩貞女秀之激揚



嘉興府志 卷之二  
以至龍藏珠函山謳野嘯之商字  
堞屑至不可勝記而墨守舊聞  
將文獻無徵闕略日甚何以為一  
方實錄使後之君子有所考信用  
是不量椎魯竊有志於脩葺而  
未逮也玄聞郡先生瀛壺沈公宿

德清望蚤歲卷懷所著郡志凡  
三易稿未嘗出以示人於是造清先  
後數反然後舍諸帳中蓋銷燭研  
露積十有餘年而考訂纂組已至詳  
至核不佞復檄下諸邑日益奮所未  
聞公偕馮司成又進祛文學分曹讎



校自夏徂冬凡六閱月而工竣為圖  
十為卷三十二為目六十事稽諸掌  
叔議集於周諮其黷凡見例取義  
折衷則公出自獨斷大要文減於  
前事增于昔為一方信史迺不佞  
則竊有感焉構李自入句吳以後

文物漸開逮今美盡東南為函  
夏名郡雄城鼎峙加險于由拳射  
襄輓粟蜚芻加富於嘉禾野穀厲  
兵講武寧減六千君子之遺敵禮  
陳詩匡時砥節詎讓莊忌買臣二  
陸平章諸砥之烈煒燁變化月異



歲殊皆足動君子尚飭之思仰止  
之槩故是志也徵古實則布在簡  
編起新裁則義存戒謹議興革  
則治切補採居後視今由今視古一  
舉而三善備焉即周禮外史訓  
誦所紀何以尚茲不佞不敏闡於治

然聞之語云不習為吏視已成事  
是後也非徒附公以不朽寔藉公以  
寡過矣先是守茲土者姑蘇蘇公  
有嚴給諫志洛陽曹公有黃宮詹  
志皆未脫藁而以事去不佞承乏也  
晚乃得藉公十年編纂之力以成此




盛舉會逢其適亦厚幸云

萬曆歲次上章困敵陽月上浣之吉

賜進士第中憲大夫知嘉興府事

安成劉應鈞撰



嘉興府志凡例 十五條

一 參攷大明一統志浙江通志元嘉禾志 因

朝弘治柳志嘉靖趙志嚴從簡遺稿各縣新

舊志姑蘇吳江華亭海寧等志及應攷子史

稗編諸書

一 圖記各照朝代所始以便考索

一 建置著於春秋歷代更易不常各因之又如

鹽官創於吳大帝割於陳武帝華亭創於唐

天寶割於 國朝鹽官事無可攷華亭止載



未割前事割後不錄

一廢邑廢城必圖必書

一山川各著原委以便觀覽

一戶口田畝古制分徵近世賦役多出於田而

丁次之故並書焉

一名宦見在不立傳見任不載去思碑文其諸

報績題名但有諛辭者俱不入

一鄉賢世宦總敘特達另敘如漢書例并孝友

節義文苑武功隱逸流寓醫術方技見在俱

不立傳

一薦辟選舉總之登賢合而書之

一醫術 國朝所重故表而出之

一閨行不獨貞烈賢母賢女亦書

一載籍有關世教則入其各文集姑存先達名

人一二餘不能悉

一藝文有關地方選入餘不勝入

一郡城坊表寺觀古蹟稂文舊志悉屬之郡今

因之



嘉興府志 一志板藏之府庫如有竊出增改責在典守

嘉興府志目錄 計六十種

第一卷

建置

星野

疆域

山川

形勝

附嘉禾十景

風俗

土產

第二卷

城池

公署

學校

附學田書院社學



第三卷

壇宇

坊表

丘墓

第四卷



嘉興府志 目錄



寺觀 古蹟

第五卷

戶口 田畝 賦役一

第六卷

賦役二

第七卷

賦役三

第八卷

課程附門 貢品 鹽課 水利

海塘 兵政

第九卷

帝紀 后紀 妃御 公主

侯王 監鎮附鹽司 郡職

第十卷

邑職一

第十一卷

邑職二附華亭

第十二卷



將帥  
衛職  
所職附海運千戶

名宦一

第十三卷

名宦二

第十四卷

名宦三

第十五卷

名宦四附薦舉華亭

第十六卷

薦舉二附華亭

第十七卷

鄉貢  
馳封  
恩蔭  
戚畹

侍衛  
賢進  
椽史  
武舉

第十八卷

鄉賢一

第十九卷

鄉賢二

第二十卷



鄉賢 三附 儒林

第二十一卷

孝友

節義

文苑

武功

第二十二卷

隱逸

流寓

醫術

方技

第二十三卷

閨行

第二十四卷

叢記

第二十五卷

典籍

藝文 府

第二十六卷

藝文 嘉興縣

第二十七卷

藝文 秀水縣

第二十八卷

藝文 嘉善縣

第二十九卷



藝文  
縣海鹽

第三十卷

藝文  
縣平湖

第三十一卷

藝文  
縣崇德

第三十二卷

藝文  
附桐鄉縣  
附華亭


嘉興府志目錄畢

嘉興府志圖記方十

春秋吳越分境圖第一葉







秦縣境圖第二葉








漢縣治圖第三葉








三國吳縣治圖第四葉








隋開漕河圖第五葉







唐縣治圖第六葉











宋郡治圖第八葉











宣德一府七縣圖第十葉







嘉興府志第一卷

賜進士中憲大夫知嘉興府事安成劉應鈞重修

賜進士奉政大夫南刑部郎中郡人沈堯中編纂

賜進士朝列大夫南國子祭酒郡人馮夢禎參攷

府學生員賀萬祚校正

建置

嘉興郡古揚州域越立屬越夏少康封庶子無餘於越在今會稽縣

吳立屬吳周泰伯避地勾吳吳人義之武王定天下封仲雍後周章為吳伯郡西

三十里石門鎮當吳越之交石門南六十里為禦



兒鄉在今崇德縣越語勾踐之地北至禦兒越大夫種曰吾以禦

見臨之禦兒猶云防卒春秋於越敗吳於檇李漢書

也漢書作語兒非是王闔閭還卒於涇去檇李七里其子夫差立敗越

云就李舊有檇李城在今府治南四十五里公吳

於夫椒夫椒山名在太湖中報檇李也越請行成吳王增封

勾踐地北至平原在今海鹽縣及後越滅吳其地復歸

越周末楚威王伐越盡取其地故名楚秦始皇三

十五年定荆降越置長水武原二縣屬吳會稽郡

長水古檇李也武原在今華亭縣南三十七年始皇東巡望氣者云

五百年後江東出天子始皇過長水令囚徒十萬

掘汙其地北徙今治改名由拳由拳山名在餘杭縣舊志作為囚倦

非也是時始皇又於二世元年項氏起兵據吳為

西楚地又名西楚楚亡漢高祖三年遣灌嬰定會

稽立兄賈為荆王國於吳改武原為海鹽縣在今華亭

南六十十一年賈誅國除復立會稽郡上隸楊州

部十二年復封賈子濞為吳王國於江都海鹽縣

置司鹽校尉新莽元年改海鹽為展武陷為柘湖

移治武原鄉復名武原縣在今平湖縣東東漢建武二年



武原縣復名海鹽順帝永建二年海鹽縣陷為當

湖移治顧邑山山在今海鹽縣東北沈約云仍吳名海鹽舊志作顧邑縣非是

大帝黃武四年割由拳海鹽二縣地為鹽官縣即今

海寧黃龍三年由拳野穀生改為禾興因以紀年

志瑞也赤烏五年避太子和諱改禾興為嘉興東

晉咸康七年海鹽縣移處馮嗶城隸南徐州八年

復隸揚州梁武帝天監六年海鹽縣屬信義郡在郡

今華亭太清三年析海鹽縣東北境置前京縣治

京浦在今華亭縣東南前京不久隨廢與嘉興海鹽俱隸吳州陳

武帝永定二年割海鹽前京鹽官三縣地立海寧

郡治鹽官隋文帝開皇九年罷吳州并信義海寧

郡改吳郡為蘇州陞錢塘為杭州廢嘉興鹽官入

錢塘屬杭州煬帝大業二年改杭州為錢塘郡復


置鹽官以屬之隸徐州總管唐武德七年改總管

為都督蘇湖杭暨江陰四州復置嘉興海鹽縣屬

蘇州八年都督遷潤州嘉興又廢唐太宗貞觀元

年復置嘉興縣省海鹽入嘉興仍屬蘇州隸江南

道治建康中宗景龍二年隸本道按察使始有分





嘉興府志 卷之一  
司睿宗景雲二年又復海鹽縣屬蘇州改隸揚州  
都督尋復江南道先天二年省海鹽入嘉興玄宗  
開元五年蘇州刺史張廷珪奏於馬皞城西北置  
海鹽縣即今治也十一年隸江南道採訪使天寶  
元年蘇州太守趙居貞奏割嘉興之東境海鹽之  
北境崑山之南境置華亭縣大曆五年陞嘉興爲  
望縣十四年改隸浙江都團練觀察使武宗會昌  
四年陞海鹽縣爲緊縣華亭爲上縣僖宗乾符六  
年黃巢兵亂王騰據華亭昭宗大順元年割海鹽

歸杭州以兵亂道路不通也乾寧四年吳越王錢  
鏐遣顧全斌平嘉興拔華亭遂取蘇州據杭州盡  
有兩浙是時嘉興之西境義和華亭之南境金山  
北境上海海鹽之東境乍浦西境澈浦皆置鎮遏  
使以土之豪傑領之梁太祖開平三年割吳縣爲  
吳江縣分嘉興之北境與焉後唐莊宗同光二年  
吳越王爲安重誨所間不得命遂自改元寶大陞  
蘇州爲中吳府又於嘉興置開元府割華亭海鹽  
二縣屬之明宗長興二年吳越武肅王錢鏐薨其



嘉興府志 卷之一  
子文穆王元瓘嗣會重誨卒復奉藩於唐盡去舊號罷開元府諸屬復屬中吳晉烈祖天福三年廣陵王元璪以嘉興邑壯請析縣之西鄙義和鎮爲崇德縣明年又以嘉興爲秀州另立嘉興縣與華亭海鹽附焉自是不復隸蘇矣宋太宗興國三年錢氏納土淳化三年分天下州軍爲十五路改隸浙西路徽宗政和七年改秀州爲嘉禾郡十年割嘉興之梧桐等五鄉益崇德宣和三年方臘寇嘉禾統軍王子武合官軍破之復改爲州高宗建炎

二年車駕次秀州寧宗慶元元年陞嘉興府領嘉興海鹽崇德華亭四縣嘉定元年賜嘉興軍額元至正十四年陞嘉興府爲嘉興路置華亭府屬焉十五年改華亭府爲松江府仍屬嘉興元貞元年陞海鹽崇德爲州仍隸本路元亂爲張士誠所據我國朝左丞華雲龍將兵討之守將宋興及其守葉德新以城降吳元年改嘉興路爲嘉興府復以海鹽崇德爲縣華亭屬直隸宣德四年巡撫胡槩以嘉興海鹽崇德三縣地廣奏分嘉興之西爲秀



水北為嘉善舊名魏塘又分海鹽之東北為平湖即漢武原


縣陷為湖者其後土脉墳起陷處漸平故名崇德之東為桐鄉即熙寧間割與

崇德縣梧桐領縣七馬等五鄉故名

星野

周禮保章氏註星紀吳越也漢地里志吳地斗分粵地牛女分陳卓范蠡諸人分星丹陽入斗十六度會稽入牛一度由此觀之嘉興在斗牛之間宋建炎元年占者望斗牛間有紫氣是歲冬十月孝宗生於嘉興此非占法之明驗歟故備載春秋以

來象緯災祥以俟知星者攷焉春秋魯昭公三十二年夏吳伐越史墨曰不及四十年越其有吳乎越得歲而吳伐之必受其凶漢孝景二年七月丙子火與水晨出東方因守斗占曰其國絕祀斗吳也又為粵三年吳連七國反吳王已走粵粵攻而殺之國除元鼎中熒惑守南斗熒惑所守為兵亂守之久其國絕祀南斗越分也其後越相呂嘉殺其王及太后漢兵誅之滅其國東漢熹平元年十月熒惑入南斗中占曰熒惑所守為兵亂斗為吳





其十一月會稽賊許昭聚衆自稱大將軍晉安帝  
隆安四年正月月犯填星在牽牛五月孫恩破會  
稽復寇海鹽劉裕追擊破之宋大明八年六月有  
流星大如五斗甌赤色有光照見人面尾長一丈  
餘從參北東行直下經東井過南河沒占曰民饑  
吳越有兵其後兵起殺傷甚衆隋大業九年五月  
熒惑逆行入南斗色赤如血如三斗器光芒震耀  
長七八尺於斗中句已而行占曰有反臣兵大起  
斗吳越分反臣楊玄感父封於越朱爕管崇亦於

吳郡擁衆反唐建中十九年三月熒惑入南斗色  
如血斗吳越分色如血者旱祥也大曆十年正月  
歲星熒惑合於南斗占曰饑旱吳越分也光化三  
年十月太白鎮星合於南斗占曰吳越有兵宋建  
炎元年秋斗牛間有紫氣冬十月孝宗生次年高  
宗移蹕錢塘二百餘年

疆域

本郡疆域東盡平湖嘉善界華亭之風涇市六十  
里西盡桐鄉界烏程之烏鎮市一百一十三里南



盡海鹽界寧波府慈谿縣海中黃牛山一百三十里北盡秀水界吳江之柿涇鋪二十七里東南盡平湖界大海接直隸金山衛一百五里西北盡桐鄉界湖州府烏程縣之青鎮五十里西南盡崇德界杭州府仁和縣之金鷺鄉一百里東北盡嘉善界長洲之章練八十里

嘉興縣初領鄉二十六都四十里八百一十九析秀水嘉善後東西廣八十里南北袤六十四里東界平湖東南界海鹽東北界嘉善西南北並界秀

水在城東南東北二隅先年誤入秀水鄉十二勸

善治東北二里德化治東二十里胥山治東三十里感化治東三十里

移風治東十里里仁治東南五十里新豐治東南十七里永豐治東

南二里白苧治南一里大彭治南十里嘉會治南二里長水治西三里

都二十八里三百八十一都里名繁不具其市鎮四鍾帶

治東五里新豐治東十七里新行治東南十四里五店治南三里

秀水縣東西廣三十八里南北袤四十五里東界

嘉善東南界嘉興東北界吳江西北界崇德西南

界桐鄉舊志在城不載東南東北止載西南西北



二區鄉八象賢治西三里靈宿治北十二里雲泉治西北十二里

柿林治西北三十里復禮治北二十里永樂治西北十五里思賢治北

三十麟瑞治東北三十里都十七里二百三十二其市

鎮四新城治西二十七里濮院治西南三十六里陡門治西二十七里王

江涇治北三十里

嘉善縣東西廣三十九里南北袤五十八里東界

華亭東南界平湖南界嘉興北界崑山西北界吳

江鄉六思賢治西北五十里遷善治北十五里麟瑞治西十五里

永安治北四里魏塘鎮內析奉賢治東二十里胥山治東一十里都

一十一里一百八十六續增為二百四其市鎮四

王鎮治東北十五里斜塘治東北十四里陶莊治東北五十里風涇

治東北十四里

海鹽縣初領鄉十都二十五里四百一十一又併

里二百七十九析平湖後東西廣六十四里南北

袤一十八里東南迫海西南界海寧北界嘉興東

北界平湖鄉九開濟治西百步永寧治西十里長水治西

十八德政治西南十五里甘泉治西南十五里海鹽治東附郭大

易治北十二里齊景治北十里武原治東十八里都二十里



一百六十四其市鎮四茶院治西南三十六里錢

賜茶院半邏治西北三十五里鮑郎治西南三澱

浦揚耐翁招集海商番舶遂成村落

平湖縣東西廣三十九里南北袤六十八里東南

界海西界嘉興西南界海鹽東北界華亭西北界

嘉善鄉四武原治東北二齊景治東南華亭治東

十九大易治西南一都十二里一百十四其市鎮

五蘆瀝治東北錢家帶治北徐家帶治東南一乍

浦鎮治東南二廣陳鎮治東北二

崇德縣初領鄉十二都三十一里三百八十九析

桐鄉後東西廣五十二里南北袤二十七里東北

界桐鄉西南界德清東南界海寧西北界歸安鄉

六南津治西禦兒治東崇德治東北千乘治東北積

善治西北石門治北都十六里二百十一弘

治十五年又增置縣市二里其市鎮三石門治北

二洲錢市治西北禦兒市即義和市今廢

桐鄉縣廣三十五里袤六十里東界嘉興東南界

海鹽東北界秀水西南界崇德西北界歸安北界



吳江鄉五募化治南一十五里千金治東南二十五里保寧治西

十五清風治北二永新治東北二十里都二十二里一百

三十三其市鎮四鳳鳴附治亦名縣市皂林治北九里石門治西

北二十濮院治東北一里其

按郡城屬秀水有三姓嘉興古首邑譬之宗子所分秀水譬之支子支子居內宗子居外既非邦制而城隍修濬諸工役嘉又倍之况海警倅發嘉人掉臂不顧秀人獨力不支當事者有隱憂焉然而嘉人苦於城居者恐為兩縣役也萬

曆二十四年分巡兵備湯公日昭申議郡城自

南水關入遠郡署後出北水關東屬嘉興西屬

秀水秀水所缺坊里仍以嘉興代之殊為卓見

未及行而陞去湯公申議略曰議得嘉興為財賦與區號稱極郡而逼近海濱

三面受敵先年倭奴入犯直抵城下外室廬生聚燔劫無遺勢亦岌岌矣蓋環城九里而遙雉

堞以千萬計而在城營兵不過四百所軍自轉漕而外僅老弱數十人何濟於用所恃乘垣而

守者合二縣之編氓家取而戶役之僅給於數而其人之堪用與否不暇計焉但郡城以內盡

秀水轄地而嘉興僅寄寓一縣治其間此外無立錐焉則城內者各自為室廬妻子計守之必

力而城外者強之入守則無所顧慮彼有掉臂而去耳是嘉秀二縣雖共居一城而內外異形



心力不一非若同舟之人期於共濟者比一旦  
有急鮮不償事矣職愚以為此二縣者既同城  
而居即應分地而守姑毋遠引即近而杭之仁  
錢湖之歸烏蘇之長吳俱各據郡城之半左右  
相提而輔翊郡治平居無事則若指臂相承血  
脉易貫一旦有急如手足捍衛外侮難侵蓋古  
者設官建置原有深意奈何嘉郡而獨不然  
職甚訝之間嘗詢之父老及鄉縉紳先生咸為  
此雖祖席一定然亦不妨通變以宜民請以郡  
前一河為界而中分之在東南隅者屬之嘉興  
在西北隅者屬之秀水中間計所割之坊里戶  
口悉令嘉邑照數補還務不失其原額是在一  
變通之間而分土分民官無折閱不均之憾可  
常可變民有同心共濟之休尚何防守之足慮  
哉議申三院避之會秀邑議格  
而止謹識之以俟後之君子

山川

郡境山勢自天目發踪歷杭達海寧自金牛界分  
支入海鹽境沿海東北麂山颺山廟山荆山下有悟空  
寺竇家山葛家山篠山下臨永安湖又東北鳳凰  
山吳家山茶磨山邵灣山馬鞍山若山楊山碧玉  
山東與澈浦相直又東北青山一名龜山澈浦鎮  
主山也其東南一里葫蘆山浸海中又東北金粟  
山夾山居金粟金牛之間故名紫雲山石山航山鶯窠山黃  
山豐山橫山顧况讀又北泊櫓山長墻山大步山  
小步山秦駐山秦始皇東巡刻其東南白塔山望



虞山隔海望上又東北入平湖境雅山顧邑山湯

山苦竹山觀山高公山蒲山菜薺山益山獨山龍

湫山一名陳山上有龍湫及龍母塚歲三月十八日縣人望氣以占雨暘禱祀輒應

宋時建龍祠山北接松江之金山柘山此皆郡之

外垣也其內嘉興有胥山伍子胥駐兵於此故名


右有磨崇德有陳山涵山龜山桐鄉有晏山以晏

甌山東山王家山

按本郡地土坦夷平行東南逼近大海藉非外垣諸山纏綿擁抱其中靈氣未有不為海奪者

其內陳山涵山晏山胥山等不過平洋一突要之土深處石脉居多第有隱見耳

府境大水四長水塘海鹽塘新城塘漕渠皆自天目發源而漕渠為大長水海鹽新城出自天造而漕渠出自人力隋大業庚午發眾鑿渠擬通龍舟起餘杭盡京口廣十餘丈勝千斛之舟唐白居易詩平湖七百里沃壤兩三州即是渠也○長水塘自海寧而來經硤石入嘉興境東通練浦會於漉湖自北而東經六里街出會龍橋分為二支一由





漢塘入平湖一由魏塘入嘉善俱由松江黃浦入  
 海○海鹽塘合海寧諸水一北流入橫塘合於滬  
 湖一東北流曰長湖曰上谷湖曰鷓鴣湖曰橫湖  
 曰宋陂湖曰秦溪合流而北經白苧堰過鳳凰堰  
 入平湖境至柳庄塘獨山塘乍浦塘乍浦塘舊通海元時番舶  
 湊集今已湮沒置乍浦千戶所吳祺塘官莊塘沈塘余塘蘆瀝浦  
 合於松江○新城塘自湖州茗溪而來東南流經  
 石臼漾合於漕渠漕渠自餘杭而來穿崇德縣北  
 出受塘左之涇十有八楓樹南陽縣學樂兒茅家朱港吳陵石人瓜塔李莊

排頭沙木徐家張涇塘右之涇十有三石門邵家柿林同門  
 福嚴黃絳游屯北沈塘羔羊秋家雙排周門烽至石門塘析而東彎環如  
 火上莫新橋斗三包角帶曰玉灣入桐鄉境受塘南之涇五康涇蔡墅陸墅永新南界  
 塘北之涇六石門新涇大姚車溪永新北界東經皂林入秀水境  
 經學繡塔白龍潭瀦為鴛鴦湖分為三支東流經  
 五龍橋南合長水東南合海鹽塘水匯為滬湖由  
 鹽倉橋經鰻鱧橋過雙溪橋出會龍橋中流入通  
 越門一由焦家園東流東引南宮浜西引范蠡河  
 出澄海門一由老人橋東北經郡治南經嘉興縣



南縣橋東出春波門一由大悲橋北流經府學前

為鳳凰池

池北為參政婁機宅故有中書鳳凰之稱

東至韭溪橋又分

為二一東流南引府治左右二水繞嘉興縣四面

出春波門一北流東引浣花池水西引秀水縣前

水繞秀水學前後東引船塢橋天妃浜水出望吳

門其澄海望吳兩門出水總會於春波門由天馬

駟馬兩橋出會龍橋一北流過西麗橋繞郡城而

東過北麗橋東由鉏家橋經石條街南為相家湖

東北為麟湖官蕩陳盛蕩天荒蕩祥符蕩夏墓蕩

長蕩許家蕩水月蕩入汾湖北由杉青閘出王江

涇東為聞湖西為鴈蕩由平望入吳江亦自黃浦

入海

按郡水自杭湖而來長水自西南入練水自南

入橫塘水自東南入漕渠水自西入新城塘水

自西北入杉青閘水復自北入滙而為湖為泖

由黃浦出海來去各二百里有奇洄還往復不

獨風氣是鍾而灌溉之利亦既多焉

形勝



本郡爲浙西大府巨海環其東南具區浸其西北首尾吳越襟帶蘇杭又平原衍壤海濱廣斥沿海諸山隱隱拱向支流千萬相錯如繡誠哉澤國之雄江東一都會也

附郡城十景嘉禾獻瑞秀水揚輝兜湖春日鴛湖秋月苧村煙雨真如雪霽景德晨鐘華嚴夜燈長水飛帆雙溪夕照

風俗

慨自禹轍沉淪明德遠矣春秋之時吳越遞霸而檇李當吳越之交日尋干戈井里爲墟自越王甲築乙叅丙菽丁粟非夫人之織不衣而農桑重吳王鑄山煮海而鹽鐵重務本節用寢以富强顧富者田連阡陌貧者無立錫之地信巫鬼重淫祠昏嫁死喪競爲侈麗此則霸國之餘習也迨入國朝聲名文物一洗勝國之陋然而冠裳濟濟堂庶肅如余猶及見後生小子途遇長老逡巡揖讓無少惰容輓近世當事偶露威稜稍抑閭右於是羣小無賴恣睢橫行凌及上官幾叢屬階甚至譏刺



恢謹好爲蜚語又或陽援而陰擠之猶幸秉禮之家斤斤自好不越矩矱以默持於波流風蕩之中庶幾其少挽乎其四時土俗元旦主人肅衣冠焚香拜天地祀祖宗男女序拜飲椒柏酒親朋互相殺刺曰賀節三日謂之小年朝卜筮占年四日祀竈謂之接竈五日內田間束芻於木末颺以緋帛夜擊金鼓而焚之侑以祀詞曰燒田蠶蓋祈年也七謂人日八謂穀日以晴霽爲吉占上元前後三日街市張燈扇米爲丸謂之燈團立春後放風箏

二月二日下瓜茄菜種三月三日聞蛙鳴米賤清明煖蠶種插柳於簷祭墓挂紙錢晚食青螺謂之挑青二十八日爲春社四月四日爲城隍會至有醪金迎賽優戲雜沓則黷矣春末夏初浸穀種小滿動油車絲車水車謂之動三車芒種刈菜麥五月俗謂惡月禁吊喪問疾之事端午家懸神符瓶插葵艾食角黍飲菖蒲酒紅女裂繒爲人形佩之謂之健人幼者繫絲索佩虎符以解不祥二十日爲分龍芒種後逢壬曰立霎賽神蒔秧曰發黃霎



夏至後逢庚曰斷霽又三日為頭時又五日為中時又七日為末時禁土木浣滌等事示不違也六月一日雨主旱二日雨主澇三日雨主大澇六日曝衣食餛飩七月七日陳瓜果於庭對月穿針曰乞巧中元素食祀先曰鬼節中秋賞月開宴白露晴有收九月九日作米糕登高飲菊花酒是日晴一冬俱晴農家滌場收稻隨種菜麥十月朔祀先小雪見雪米賤長至前一日賽神至日祀先親朋相拜如正旦儀今廢大寒逢戌立臘成是宋臘大明國音當是

辰伐木動土諸無禁忌是月釀秫作酒煮而藏之曰煮酒先期用純白麵作麩并白米白水名三白酒春糧倉之經歲不蛀曰冬春米二十四日記竈曰送竈乞兒朱墨塗面跳舞於市即古儺也除父換桃符門神并禁不得汲入夜燒爆竹炒白苳曰漏湊供佛設米食簫鼓徹夜謂之守歲

土產

禾品

稻有早花中秋晚花黃私白芒赤芒香稻烏稻糯有白殼烏殼雞脚羊鬚蟹爪

麥品

大麥小麥蕎麥裸麥穰麥穠麥



菽品 梅苳 藜苳 香珠 僧衣 黃苳 赤苳 青苳 白苳 黑苳 碗苳 豇苳 蚕苳 扁苳 菜苳 刀苳 龍瓜 羊眼

帶裙

麻品 白苧 黃苧 絡苧 黃草

粟品 杭粟 糯粟

果品 杏 李 桃 梅 橘 柚 橙 柑 梨 棗 栗 柿 銀杏 葡萄 荸 薺 茨 菰 青 菱 紅 菱 甘蔗 泥 藕 蓮 實 芡 實 林 檉

批杷 石榴 櫻桃 核 桃 松 子

瓜品 甜瓜 香瓜 蜜瓜 王瓜 絲瓜 東瓜 菜瓜 西瓜

菜品 白菜 青菜 莧菜 菠菜 萵苣 苣荬 苣苔 芋 芡 葫蘆 芥 菜 甜菜 薺菜 芹菜 蘿蔔 菘 芥 韭 薤 葱 蒜 茄 薑

蘆筍 蒿菜 葫荽 蓴菜

花品 牡丹 芍藥 薔薇 蘭 蕙 荼 蘼 芙蓉 夜合 玉簪 芍 榴 荷 菊 玉蘭 辛夷 紫薇 紫荊 棠 棣 海棠 玫瑰

杜鵑 蝴蝶 蝶 鹿 葱 雞 冠 山茶 鳳仙 瑞香 梔子 丁香 木香 繡毬 山丹 鶯粟 木犀 水仙 長春 石菊 茉莉

萱花 剪春 羅虞美人

草品 茅 蒲 吉 祥 翠 雲 虎 耳 鳳 尾 蘆 荻 蘋 蓼

竹品 淡竹 篾竹 紫竹 筍竹 苦竹 木竹 班竹 篔簹竹 鳳尾竹 孝順竹 桃絲

木品 松 杉 桂 栢 槐 檀 檜 榆 楊 柳 樸 棟 椴 櫟 梧 桐 椿 梓 冬 青 白 社 烏 柏 楮 檉 楓 槿 桑 柘

羽品 雞 鶩 鴨 鵝 鸕 鶿 鸚 鵡 烏 鵲 山 鵲 黃 雀 雁 黃 鸝 百 舌 啄 木 鶴 鷓 鴒 鳩 鵲 鷓 鴒 戴 勝 鶯 燕 鷗 鷺 鳩 雉 鴿

鴛鴦 鴿

毛品 牛 羊 猪 馬 驢 騾 猫 犬 獐 獾







知州宋昭年更築建炎間徐明亂隳其南門德祐元年知府余安裕重修諮議劉漢董其役門外各置吊橋跨隍池以通往來水旱門各四東曰青龍後改春波西曰永安後改通越南曰廣濟後改澄海北曰望京後改望吳上各有樓元至正十三年悉隳郡城元末兵起守臣議防禦十六年推官方獻復築羅城甲辰年同知繆思恭重修未就國朝太守呂文燧謝節始竟其工縮舊三里高倍于舊二尺面濶一丈增置四門月城門樓吊橋悉備

其城下隙地聽民置屋歲課灰價為繕城之費隍池繞城里數加四分之一濶二十二丈深一丈二尺嘉靖三十三年倭寇倖至城守益嚴三十四年知府宋治議建敵臺六座白苧堰一會龍橋二杉青閘三三十九年知府侯東萊奉檄議建並城敵樓二十七座

按昔島夷內訌多由東南而來長驅直入即有臺戍亦不能遏且道里既長民居亦夥其不及避而身膏鋒鏑者多矣說者謂宜于白苧堰長





豐橋俞公橋等處重加關隘寇至戍兵守之寇即闌入亦且少緩附郭生靈其可保乎

嘉善舊無城嘉靖三十三年倭亂督撫王忬疏請委通判鄧遷築週圍一千三百一十六丈高二丈三尺五寸厚二丈二尺水門五座旱門四座東曰大勝西曰太平南曰慶豐北曰熙寧城樓如之敵樓一十二座城濠濶六丈周圍公佔田地三百五十三畝四分八厘其糧通縣包補海鹽城週圍九里三十五步高二丈五尺二寸舊

本磚城歲久摧圯洪武十七年

太祖高皇帝面諭信國公湯和視城要害築城增兵以備倭奴和遂開設海寧衛仍行浙江都指揮使司委寧波衛指揮許能率軍增築四門月城皆以磚石為之永樂十六年四月上命都指揮谷祥等官巡禦是邦復修之其陸路城門凡四東曰靖海西曰望吳南曰來薰北曰鎮朔門內上下相對各設兵馬司其水門凡三東瀕海故缺嘉靖三十二年倭亂都指揮張鉄沿城增築土城高一丈



三尺濶六尺三十三年知縣鄭茂增築并敵樓一十六座池週圍一千三百四十丈深一丈二尺濶六丈九尺敵臺二在東門南北縣城西南翼以激浦城週圍八里一十七步高二丈四尺五寸洪武十九年上命安慶侯榮陽侯委海寧衛千戶費進等官度地築土為城永樂間都指揮谷祥等亦以磚石包砌正統八年上命侍郎焦宏叅政俞士悅勘議令杭嘉湖三府備料重加包葺嘉靖三十三年知縣鄭茂增築并敵樓一十六座其陸路

城門四西水門一座池週圍九里三步深一丈一尺濶五丈

平湖舊無城嘉靖三十二年倭亂知府劉慤知縣劉存義奉都憲王忬檄興築四十一年知縣顧廷對復加城堞高五尺週圍增置窩舖一百十二座城凡九里高二丈五尺廣二丈週圍一千六百九丈有奇旱門五東曰啓元西曰毓秀南曰豫泰北曰豐亨西南為小旱門水門五西南北各一門而東據當湖巨浸為水門二座城壕濶五丈有奇城



嘉興府志 卷之二  
之東南翼以乍浦城週圍八里三百三十二步高  
二丈洪武十九年上命信國公和至鎮度地築  
城永樂十六年谷祥以磚石包砌正統八年焦宏  
俞士悅勘議令杭嘉湖三府備料包葺嘉靖三十  
三年知縣劉存義增築并敵樓一十座其陸路城  
門四北水門一座池週圍一千六百三十丈深八  
尺濶十丈吊橋四乍浦東南又有白沙灣城堡距  
乍浦城二十六里週圍一里二丈池深五尺濶二  
丈洪武十九年巡檢辛得名監築

崇德舊無城元順帝三十六年張士誠據浙西爰  
始興築洪武十七年倭寇海鹽詔徙縣舊城城乍  
浦天順間知縣王輿爲立四門爲障嘉靖三十四  
年倭夷入寇知縣蔡本端奉督撫王忬檄度地甃  
築明年正月初七日倭夷徐海覘城未完擁衆數  
萬突入標掠蔡令坐譴去五月城完城凡七里餘  
三十步高二丈七尺濶一丈城門水旱各五三十  
九年知縣劉宗武再建城樓四南北甕城各一座  
添築敵樓三十敵臺三濠週于城



桐鄉舊無城嘉靖三十二年倭亂知縣金燕奉督撫王忬檄起築週圍二千二百丈高二丈八尺厚二丈六尺城門水陸各四敵樓八濠週于城廣六丈深二丈五尺

公署

府治在舊子城內中爲正堂而軒其前後爲穿堂爲後堂東北爲府庫左爲軍資庫爲經歷司司北爲架閣庫右爲照磨所所北爲茶房堂南立戒石亭東西爲吏廊南爲儀門門左右各有翼室直南

爲府門上有譙樓鐘鼓咸具左右爲堞樓宋景定中知軍陳瑱所葺也府門左爲土地祠又東爲賓館有門二重有廳有後堂有軒有廊右內爲督儲館直府後堂爲守宅折而西出便門又折西南爲馬道馬道之左爲同知推官宅右爲通判宅者三而經歷知事照磨檢校亦叅互居之皆有重門廳軒寢室翼室而守宅獨宏有樓有亭宅西爲郡圃其吏廨遶東廊之左歲久圯壞萬曆二十八年郡守劉應鈞新之又建約法堂內祀蕭相國爲諸吏



議法之所皆子城包之子城一名子墻圍二里十步高與厚俱一丈二尺又城東有清風亭東北有披雲樓西有金風亭嘉禾亭西北有近民樓北有利川觀風野泉朝宗四亭又郡治西北二里城上有月波樓下瞰金魚池今俱不存府門南出左右南向爲榜廊左爲申明亭折而東即宋頌春亭址爲陰陽學並學而左爲尊養院今爲理刑廳又折而北爲清軍館東向府門南出而右旌善亭折而西即宋宣詔亭址爲醫學並學而右爲治農館皆

弘治初知府柳琰建府門南舊有照牆萬曆中知府龔勉闢爲屏門直南經瑞虹橋右爲府前急遞總舖又三十步爲府獄洪武元年知府呂文燧即宋叅軍舊廨爲之有園門有廳有土地祠有囚房一十一間又東南五十步爲羈所羈所之東爲局一名弓張局即舊織染局爲之有房三十九間治西北百步廣平橋南爲察院行臺嘉靖丙戌知府蕭世賢即慧安寺址爲之有重門有廳堂有寢室有廊房後有烏臺三楹左有憇亭右有射圃門之



外其東爲三司廳西爲府館又西爲鹽運分司又南爲寶花倉治東北入靈光街爲按察分司嘉靖三十三年以倭警改建帥府今兵備道駐札于此東爲布政分司西爲按察分司又西爲織染局有門有廳有堂有庫房有織房絡絲房機六十二張紵絲機三十二張細紬機四張絹地紗機八張包頭紗機一張銀絲紗機一十張東出春波門一里天馬橋直北爲嘉興縣養濟院萬曆中嘉興知縣顧雲程捐之秀水另置于鹽倉橋南天馬橋又東

一里爲河泊所今廢南爲稅課局迤東又三里爲鹽倉批驗所有廳有廨有鹽廩西出通越門五十步爲西水驛有重門有廳有穿堂有後堂有耳房有廨舍額設站船一十七座舖陳三十六副又南經西麗橋西百步許爲嘉禾遮運所制視西水驛差隘今改龔侯生祠額設大小紅船五十八座舖陳五十八副僧綱司舊寓精嚴寺天順間改寓天寧寺在府治北道紀司寓玄妙觀漏澤園萬曆二十四年郡守曹代蕭建于通越門外三塔寺西偏守禦嘉



興中左千戶所本宋漕運司舊址元時嘗調邳州翼萬戶鎮守本朝洪武九年奏置准撥京衛軍千人充之屬直隸蘇州衛有重門有廳有堂有耳房廳東為百戶所鎮撫司司之後為土地祠旗纛廟北出望吳門經百步橋為演武場有官廳有將臺嘉興縣治在府治東北二百步流虹坊之西中為理廳後為穿堂堂後為燕堂折而西北為架閣庫俱宣德中縣丞傅霖重建理廳之前為甬道道南為戒石亭左右為吏廊亭前為儀門儀門外左為

賓館館東為土地祠右為獄又南為講樓樓下為門正統中知縣王錦重建燕堂直北為知縣宅並理廳南右為丞宅二為簿宅一折為北為吏廨幕廳之後為典史宅左亦為吏廨縣譙左為申明亭右為旌善亭通越門內五十步為預備倉澄海門外鴛鴦湖傍為便民倉廢併入預備倉縣前急遞舖東為常豐團港龍華魏塘南為落縉中塘馬涇其僧道司陰陽醫學訓術科諸員俱附于府萬曆二十四年知縣陳儒建常平倉四所

一在王店鎮  
一在新豐鎮



一在新行鎮 二十七年知縣鄭振先改建預備倉

于天寧寺之東又建鄉約所于東津集民讀法內

有社倉社學漏澤園二一在海鹽塘一在白蓮寺

宜移北門外

秀水縣治在府治西北一里宋仁壽寺址宣德庚

戌吏部員外郎李亨卜之知縣趙忠始建其制畧

如嘉興而無樵樓縣橋南左為旌善亭右為申明

亭治北多隙地為圃萬曆戊子歲正衙圯敝壬辰

歲知縣李培新之令丞諸宅吏廨在於治東北便

民倉在望吳門內治西南為花園倉為預備倉治

西北二十七里為崇真倉望吳門外五里為杉青

閘巡檢司又東北二十八里為王江涇巡檢司治

西北二十七里為新城陶莊稅課局初置官吏嘉

靖中罷縣前急遞舖西為三塔分鄉趙墻北為杉

青金橋聞店其僧道司陰陽醫學訓術科諸員俱

附于府萬曆二十四年知縣李培建常平倉四所

一在院門鎮一在濮院鎮二十七年知縣鄧漢改

建預備倉于北營其南又建鄉約所集民讀法內



有社倉社學漏澤園在通越門外

嘉善縣治在府城東三十六里據魏塘鎮大理卿

胡槩相度鎮地得元萬戶陳景仁花圃遇巨石曰

此天造也遂定基焉時知縣鄭時建其制與嘉興

同治西為布政分司正統中知縣李遜建司後為

陰陽學治東為按察分司亦鄭時建西塘為陶莊

稅課局元在陶莊後移于此風涇鎮為風涇稅課局慶豐橋

北為魏塘巡檢司華亭塘南為太平倉右為預備

倉治西北遷五中區為廣濟倉今廢治東三里為

演武場又東為養濟院正德中知縣王德明建縣

東二十步為急遞舖又東為張涇滙舖治東二里

景德寺為僧會司領寺八治西一百步寧和道院

為道會司領宮廟五萬曆二十四年知縣章士雅

建常平倉四所一在干家窰一在王帶鎮一在風涇鎮一在斜塘鎮二十七

年知縣余心純建鄉約所于集民讀法內

有社倉社學漏澤園在治東南郭外


海鹽縣治在府城東南八十里唐以前徙置不常

開元中改建於此本朝洪武甲子改縣為海寧衛



縣改衛東知縣祝用宏建其制與嘉興同治西南  
 一百五十步為布政分司又西為按察分司治西  
 十步為惠民藥局又西一百五十步為醫學永樂  
 中知縣上官廉建又西七十步為陰陽學洪武中  
 知縣祝用宏建治西一百二十步為預備倉又西  
 南一百步為廣儲倉西關一里為便民倉治西北  
 一里為開濟倉又常積倉在澈浦城內西關大柵  
 橋南為海鹽稅課局纂節五于城半邏市南新行  
 西南三十六里為澈浦稅課局纂節二茶院治西

南十二里沙腰村為海沙場鹽課司即宋鹽場明  
 道間罷景祐間復置今仍之治東北十八里秦駐  
 山北為澈浦巡檢司初在本鎮洪武中巡檢愛顏  
 徙置于此有屯堡高二丈一尺濶五尺圍二百丈  
 門二壕深五尺濶三丈一尺白馬廟西為海口巡  
 檢司初在東關洪武丙寅巡檢夔人奴徙置屯堡  
 與澈浦同治東南一里為養濟院洪武初知縣劉  
 朝英建治西三十步為急遞舖又西為朱公亭周  
 墩黃坭東南為藍田常川澈浦東北為九里亭麥





莊涇治西五十步資聖教寺為僧會司領寺十四

又西五十步樓真觀為道會司領道院六萬曆二

十四年知縣李當恭建常平倉所一在

一在二十七年又建鄉約所于集

民讀法內有社倉社學漏澤園在

平湖縣治在府城東五十四里據當湖鎮宣德五

年知縣王簡始置正統中知縣徐韶重建弘治初

知縣林奇大新之其制同于他縣在儀門

外架閣庫東有軍資局申明旌善二亭在縣河西

南治西二百步為布政分司東五十步為按察分

司治東十八步為醫學東八十步為陰陽學二學

舊在布政分司俱宣德中徙置之治東二百步為

預備倉治西二十七里為廣陳預備倉元為濟甯

倉洪武中重建今廢治西一里二百步為便民倉

成化中縣丞梅清建治南乍浦城內有常積二倉

治西二百五十步為當湖稅課局宋當湖務治西

南二十七里為乍浦巡檢司元為市舶司俱洪武

中改建東南三十六里為乍浦巡檢司宋元為顧



邑巡檢司在顧邑城洪武辛丑徙置乍浦鎮丙寅復徙于此東二十七里為白沙巡檢司元為蘆瀝巡檢司在廣陳鎮洪武間徙置于此二司俱有屯堡周圍一百二丈高一丈五尺濠深二丈濶一丈五尺治東北三十九里為嘉興鹽運分司元為蘆瀝鹽場課司在蘆瀝市東吳元年併于獨山鹽場以公所為分司洪武元年復置蘆瀝鹽場課司治西二百步為養濟院又西為急遞舖南有轉塘東有菴山梁莊乍浦東門治東一百步德菴講寺為

僧會司領寺八治西一里梯雲橋北祐聖宮為道

會司領道院三萬曆二十四年

常平倉四所

一在徐漣橋 一在廣陳鎮 一在鍾帶 一在乍浦

二十八年

知縣林夢琦建鄉約所于

集民讀法內有

社倉社學漏澤園在



崇德縣治在府城西南九十里據義和市運河塘

西五十步晉天福中定址宋建炎初燬知縣黃楊

復建楊自為記治東五十步為察院行臺洪武中

知縣田慶建東南七十步為布按分司治東南二



百步為陰陽學東北二百二十步為醫學一百五十步為河泊所本宋酒稅務洪武初改稅課局正德戊辰罷為河泊所運河東去治七十步為便民倉即宋永豐倉廣盈倉即宋常平倉嘉靖甲午新置皂林驛治東北三十步為養濟院縣東為急遞舖南四里為南津北六里為上莫又十里為邵經治東北三百步廣法寺為僧會司領寺十有四治西南百步天清宮為道會司領道院萬曆二十四年知縣薛近充建常平倉四所  
一在  
一在

二十八年知縣陳允堅建鄉約所于

集民讀法內有社倉社學漏澤園在

桐鄉縣治在府城西南五十里據梧桐鄉鳳鳴市南知府齊政相度知縣生用和趙中建其制同于他縣而申明旌善亭皆在縣橫街之南治東一百五十步為按察分司司左為醫學又為陰陽學又東北四百步為布政分司司北為預備倉俱知縣張恭建治西四十步為清河義倉又西北皂林鎮



運河南爲便民倉河北爲皂林巡檢司宋初曰巡檢寨在縣市南右爲皂林驛嘉靖甲午御史張景以驛去府治不一站而長安驛偏迂不值官道乃度中置崇德縣又西南石門鎮東柵爲石門稅課局本朝吳元年崇德縣重建分隸桐鄉治東三十步爲急遞舖西爲皂林永新西蔣東南二里爲演武場治西北三百五十步慧雲教寺爲僧會司領寺五治東南里許佑聖宮爲道會司領道院六萬曆二十四年知縣陸枝建常平倉四所一在東門外一在皂

林鎮一在屠甸二十七年知縣謝諫建鄉約所于寺一在密印寺

集民讀法內有社倉社學漏澤園在

### 學校

郡儒學在治西北一里舊有文宣王廟在天星湖上前廟後學祥符圖經云唐開元二十七年建宋太平興國二年錢氏納土知州安德裕即其處立學於廟垣之右咸平四年詔州縣開設學校賜九經祥符二年又詔修州縣學知州耿肱以廟學庫



嘉興府志 卷之五  
窄移于望雲門內之西乾道二年賜田五頃崇寧  
元年詔頒學制知州錢適如式改建內有六經閣  
尤爲華奐建炎二年金兵殘燬知州程俱移于州  
治之東紹興壬戌詔諸路守臣興學如故事於是  
知州方滋請更于通越門內二百步建殿堂齋舍  
等屋凡七十有三間淳熙四年知州呂正己建御  
書閣於書庫基上嘉定十一年知軍府岳珂改建  
未就十三年知軍府鄭定成之制逾于昔復闢地  
于西築有六齋垣墉廩廡莫不畢具三年秋九月

風雨暴至廟學摧圮泰定二年知軍府莫叔益重  
建觀頤堂端平二年知軍府趙憲初建御書閣寶  
祐丁巳郡守謝瑩以學廟一門出入幢雜弗肅於  
是闢大門于廟西疏鑿潢池增初講堂又改觀頤  
堂于東至元丙子兵燹廟學僅存丙戌四明陳紹  
在徐碩等請于省撤新御書閣改名尊經閣大德  
三年總管府事辛仲寶重建廟學十一年教授孔  
演學正趙由漳學錄沈德華復嗣而葺之至順二  
年達魯花赤八扎崇建大成殿戟門兩廡至元五



年總管和元昇重修尊經閣廣學東地飭官署樹名木國朝洪武二十七年叅議李文華重修明倫堂于廟後宣德間巡撫大理寺卿胡槩以便宜到郡重修殿閣廊廡講堂移饌堂居東建四齋正統二年知府黃懋以學逼廟後殿邃堂卑更廣購東北地十五畝即古曹刺史捨建慈恩寺故址移建明倫堂五間亞室二間中爲穿堂五間明倫堂東西爲四齋曰進善曰致道曰日新曰時敏儀門左右各六間齋後分列號房歲久風雨剝壞郡守楊繼宗徐霖相繼

修葺而霖績居多通判陳寶又於櫺星門外護以石欄瀕河壘石嘉靖中新建敬一亭于思樂堂之東其西爲啓聖祠二十七年郡守趙瀛大加修治今廟制中爲先師廟前爲露臺左右爲兩廡前爲戟門左右爲翼室前爲櫺星門門內爲禮亭廟後爲尊經閣東二十步爲神厨神厨左爲養牲所右爲宰牲所閣後爲名宦鄉賢祠其學制中爲明倫堂前爲軒左右爲四齋曰志道曰據德曰依仁曰游藝軒之前爲甬道爲儀門其後爲中堂中堂之



嘉興府志 卷之二  
後爲思樂堂思樂堂之左爲公厨四齋之後爲號  
房號房南左爲饌堂爲會厨會厨南左爲青雲樓  
與尊經閣並峙直樓之南爲教授宅迤東爲各訓  
導院圃在殿之西偏學田新舊共壹千貳拾畝陸  
分玖厘共徵租米陸百壹拾叁石柒斗玖升內除  
楊公祭祀米叁拾石及辦丁祭物件外實該米伍  
百捌拾叁石柒斗玖升又租銀壹百肆拾壹兩肆  
錢肆分柒厘陸毫捌絲內除辦糧外實剩銀米申  
鳴學道勳文

嘉興縣儒學在縣東宋咸淳五年縣令張汴據主  
學張夢吉等請于知軍文本心以西城舊驛舍爲  
縣學縣尹高聖潛助成之殿堂齋序門廡悉備元  
至正十一年改建大成殿 國朝洪武六年縣丞  
魏誠重加修繕宣德二年巡撫胡槩知府齊政知  
縣趙良大建禮殿明倫堂廊廡齋舍嘉靖乙未知  
縣黃獻可徙置治東興聖寺址宋孝宗流虹之所  
悉逾舊式嘉靖中新建敬一亭啓聖祠于殿之西  
偏三十三年明倫堂燬知府劉慈新之萬曆二十



四年知縣陳儒重修大成殿學田新舊共壹千貳百貳拾貳畝壹分肆厘捌毫

附社學

秀水縣儒學在縣治東一百五十步宣德五年夏吏部員外郎李亨闢基七年教諭徐哲始領印來蒞其事知府齊政選取生徒入學是年冬戶部侍郎成均命本府同知孟迪建明倫堂及後堂明年復建大成殿正統九年縣丞高謨塑先聖四配十

哲像十年知府黃懋增置號舍一十二間景泰二年知府舒敬重建膳堂庖廡舍凡五間三年冬會事陳永重建櫺星門五年知縣童暉復立射圃于學之南成化十九年知府徐霖闢學之東垣建鳴陽門嘉靖中新建敬一亭啓聖祠戊申知府趙瀛復浚河闕廓釋氏所侵地屏以崇墉萬曆二十四年知縣李培增建尊經閣學田新舊共壹千壹拾捌畝壹厘貳毫該租米壹千貳石陸斗肆升柒合附社學所



嘉善縣儒學在縣治西一里許宣德五年庚戌肇基知府齊政募邑民陸坦捐貲建大成殿及塑聖賢像繼而知縣鄭時次第繕葺正統六年知縣李遜又建後堂三間門廡齋舍成化四年知縣盧雲易櫺星門柱以石成化八年本府同知楊冠又募富民建明倫堂三間及日新時習兩齋于禮殿之後又募富民建後堂五間于明倫堂之北成化十九年知縣江貴于禮殿階易磚以石又新門廡廚庫饌堂號舍大成殿三間東西廡各七間戟門

三間櫺星門三座神庫五間神厨三間宰牲房三間俱在殿之西嘉靖中新建敬一亭啓聖祠學田新舊共

附社學所

思賢書院在治東正統間縣丞倪璣建內有清風樓

海鹽縣儒學在縣西南二百五十步先是宋太平興國中攝縣事主簿石知一建文宣王廟景德二



年縣令翁緯移建縣南嘉祐八年縣令褚瑄立于  
縣東南紹興十五年縣令徐光實一新之乾道二  
年縣令劉銓遷學于縣南是歲疫歎僅立宣聖廟  
及講堂明年縣令魏汝功始蓋廊廡庖廡周備易  
講堂曰傳道李大卞繼之增學糧試補諸生淳熙  
十五年邑丞李直養裒衆力一新廊廡紹熙元年  
李寺丞遷令以月得餐錢脩大成殿置書籍祭服  
扁其堂曰明倫年久寢壞元貞元中陞縣爲州設  
教授職知府趙孟貫教授呂安裕等以舊址湫隘

改建于此國朝洪武三年仍爲縣學縣令王文教  
諭孫復初新之永樂間知縣上官廉重脩明倫堂  
知縣秦恭修大成殿正統十二年知縣曾昌建神  
厨宰牲房景泰四年教諭王恭改建門樓于大門  
外之東南成化六年監察御史劉珂按部遂命新  
其講堂南立儀門北徙後堂仍爲二齋庖舍饌堂  
及宣公祠文昌祠弘治二年分廵僉事伍性募富  
民助白金委知縣譚秀撤而新之粧塑神像嘉靖  
中新建敬一亭啓聖祠隆慶元年知縣李薦佳大



嘉興府志 卷之二  
加葺治萬曆五年知縣饒廷錫改造敬一亭于文廟後并建會講堂八年署縣通判張繼芳改修頭門儀門方向及闢移泮池學田新舊共

附社學

平湖縣儒學在縣治東二百五十步瀕于當湖肇建于宣德五年吏部員外郎李亨相宅初構講堂三間後四年縣丞孫華始建文廟禮召義民陸珪與大姓沈氏共建大成殿三間東西兩廡各五間

成化十年知縣郝文傑建戟門五間櫺星門內左爲鄉賢祠右爲名宦祠嘉靖中知縣黎修典建敬一亭啓聖祠三十年教諭韋鑾建魁星樓三十九年知縣陳一謙建學倉二間四十二年知縣顧廷對增先師殿門廡學前立文明坊一座先是成化癸卯御史劉魁買地以拓門境扁其坊曰儒宮尋廢今建爲石坊學宮東南隅堪輿家皆言空缺不稱瀕東水門建龍吟閣高約七十尺以爲青龍文峯云教諭衙在明倫堂東嘉靖三十九年教諭魯



嘉興府志 卷之二  
士彥建扁曰啓元後有連珠池池上有靜觀亭弘  
治辛亥年教諭林光建西爲訓導衙學田新舊共  
伍百陸拾伍畝貳分捌厘陸毫該租米肆百柒拾  
石柒斗壹升柒合

附社學所

崇文書院一所號房一十間知縣陳一謙立

崇德縣儒學舊在學南二百二十步運河之西宋  
知縣吳伯舉建宣和間知縣黃揚徙置運河東元  
升爲州學知州王雍又徙于萬歲橋東洪武六年

知縣田慶建明倫堦先師廟後歲久就圯嘉靖中

新建敬一亭啓聖祠隆慶年知縣陳履鳩工重

葺內有文峯三塔一在巽方一在坤方一在離方原係鄉士夫捐

貲建立今存巽方一座在文璧峯下新舊學田共  
捌拾伍畝玖分陸厘叁毫

附社學所

傳貽書院在治東潛庵輔廣霽祠歸隱講學禦溪  
以傳先儒貽後學爲已任因扁其堂曰傳貽後知



縣家之柄於堂左右建二齋曰本文曰味道以聚  
學者有知軍文及翁記

桐鄉縣儒學在縣治東北一里宣德五年巡撫胡  
槩郡守齊政得宋文思院徐公之裔曰進者所居  
遺址衆水滙合形如半壁因卜爲基知縣趙中始  
築外垣中建明倫堂嘉靖中新建敬一亭啓聖祠  
四十二年義民沈瓚捐金百兩建尊經閣知縣魯  
士彥建文昌祠文奎閣學田新舊共肆百壹拾壹  
畝捌分肆厘

附社學所



古里府志

卷之三



